



Republika e Kosovës
Republika Kosova



BESHIRI-KA E KOSOVËS - REPUBLIKA KOSOVA
KOMUNA E VITISË - OPSTINA VITINA

Pranuar / Prillogje / Më / Prita / 30-12-2016 / vitin			
Nr. i organit / Org. broj	Numri / Braj	Shifra / Prilog	Vlera / Vrednoset
01-013/1962			



Komuna e Vitisë
Opstina Vitina

Duke u mbështetur në dispozitat e nenit 11 paragrafi 1 lidhur me nenin 12 paragrafi 1 pika c të ligjit mbi vetqeverisjen lokale Nr.03/L-40 në kordinim me nenin 11 paragrafi 2 pika p të Statutit të Komunës së Vitisë nr.01-013/191 i datës 21.04.2011, Kuvendi i Komunës miraton këtë:

RR E G U L L O R E

PËR PLOTËSIMIN DHE NDRYSHIMIN E RREGULLORËS PËR VARREZAT, MIRËMBAJTJEN E TYRE DHE SHËRBIMET E VARRIMIT NË TERITORIN E KOMUNËS SË VITISË.

Dispozitat e përgjithshme:

Neni 1

1.1.Me këtë rregullore përcaktohet mënyra e rregullimit të varrezave, mirëmbajtja e tyre dhe shërbimet e varrimit në territorin e Komunës së Vitisë.

1.2.Rregullimi dhe mirëmbajtja e varrezave është veprimtari komunale me interes të përgjithshëm.

Përkufizimi:

Shpjegime të kuptimeve të fjalëve që përdorën në këtë rregullore:

Varr (vendi për varrosjen e trupit).

Varrim (vendosje e kufomës në varr).

Varrezë (është toka e caktuar për varrin e përcaktuar sipas planit urbanistik të qytetit).

Leje për zhvarrosje (leje të cilën e lëshon Kuvendi Komunës dhe Ministria e Drejtësisë-departamenti i mjeksisë ligjore)

Ndermarrja e shërbimeve të varrimit (subjekt i përzgjedhur për menaxhimin dhe mirëmbajtjen e varrezave).

Rregullimi dhe mirëmbajtja e varrezave:

Neni 2

Rregullimi dhe mirëmbajtja e varrezave nënkupton rregullimin dhe mirëmbajtjen e objekteve dhe mjeteve të cilat shërbejnë për kryerjen e shërbimit të varrimit, rregullimin dhe mirëmbajtjen e rrugëve, hapësirave ndërmjet varreve, mirëmbajtja e gjelbërimit, rendit dhe pastërtisë, largimit të borës dhe akullit, përgatitjen e hapësirës për varrim si dhe kryerjen e punëve të tjera të cilat janë të lidhura me rregullimin dhe mirëmbajtjen të varrezave-varreve në veçanti.

Neni 3

Në qytet si dhe vendbanime tjera ne territorin e Komunës së Vitisë, duke ditur se jetojnë pjesëtarë të perkatësive të ndryshme, mund të jenë dy a ma shumë lokacione për varreza.

Neni 4

4.1. Toka- lokacioni për varreza në qytet caktohet në përputhje me *Planin Zhvillimor Urban*, ndërsa në vendbanime tjera të territorit të Komunës në përputhje me *planin komunal.zhvillimor*

4.2. Para caktimit të vendit-lokacionit për varreza duhet pasur kujdes veçanërisht në mbrojtjen e burimeve dhe puseve prej nga banorët furnizohen me ujë.

Neni 5

Lokacionet apo vendi i varrezave caktohet me vendim të Kuvendit të Komunës së Vitisë.

Neni 6

6.1.Në bazë të projektit detal të varrezave, hapësira në varrezat e dedikuara për varrosje ndahet në parcela, në brendi të cilat ndodhën vendet për varrim të cilat evidentohen me numra.

6.2.Ndermarrja e shërbimeve të varrimit është i obliguar që të udhëheq dhe evidentoj ngastrat dhe vendet e varrit me emrin e personave të vdekur, datën e varrimit si dhe shërbimet tjera lidhur me varrimin.

Neni 7

7.1.Varrezat duhet të jenë të rrethuara , mjetët për rrethoja dhe riparimin e rrethojave sigurohen nga buxheti komunal dhe burimet e tjera (donatorët e mundshëm),përfundim bëjnë vetem familjet e dëshmorve.

Neni 8

8.1.Komuna bazuar në procedurat e përcaktuara me Ligjin për Prokurimin për zgjedh përfituesit të cilët do të jetë përgjegjës për menaxhimin dhe mirëmbajtjen e varrezave të qytetit dhe fshatrave .

8.2.Ndermarrja e shërbimeve të varrimit i kryen shërbimet sipas dispozitave të kësaj rregullore në përputhshmëri me çmimet propozuara nga Drejtoria për Shërbimeve Publike dhe G.E dhe të aprovuara nga Kuvendi i Komunës së Vitisë.

Neni 9

9.1.Përkujdesje të veçantë do t'i kushtohët varrezave të dëshmoreve,dhe qytetit të Vitisë.

Neni 10

10.1.Me mirëmbajtjen e vendeve të varrimit përkujdesët shfrytëzuesi apo familja e afërt dhe farefisi.

10.2.Rregullimin dhe mirëmbajtjen e varrit shfrytëzuesi mund tu a besojë kontraktuesit i cili mbikëqyrë varrezat.

Neni 11

11.1.Ndermarrja e shërbimeve të varrimit gjatë mirëmbajtjes duhet domosdo tu përmbahet rregullave dhe projektit të varrezave.

11.2.Ndermarrja për shërbime të varrimit i mban dy regjistra,një e mban ndermarrja e shërbimeve të varrimit dhe një e dorzon në arkivin e Komunës.

11.3.Ndryshimet eventuale mund ti bëjë kontraktuesi vetëm me pëlqimin e Drejtorisë për Urbanizëm dhe Mbrojtje të mjedisit.

Neni 12

Të drejtat dhe përgjegjësitë e kontraktuesit përcaktohen me kontratë të veçantë.

Neni 13

13.1.Për vendosjen, riparimin dhe zhvendosjen e pllakave dhe mjeteve tjera në vendet e varrimit është i obligueshëm pëlqimi nga Drejtoria e shërbimeve publike.

13.2.Për ndermarrjen e çfarëdo pune në lapidar (pllakë përkujtimore) ose ndonjë pjesë në varrë ose varreza e cila ka karakterin e lapidarit kulturor është i nevojshëm pëlqimi me shkrim nga institucioni i cili merret me mbrojtjen e monumenteve kulturore.

13.3Materialet ndërtimore (rëra, cimenta etj) është e lejuar të mbahen në varreza për një kohë sa ma të shkurtë e cila është e nevojshme për kryerjen e punëve në varreza, pas mbarimit të punëve ekzekutuesi është i obliguar që menjëherë vend punimin ta kthej ne gjendjen e më pashme.

13.4.Nëse gjatë kryerjes së punës gjinden arkivole dhe gjëra tjera me vlerë, puna duhet të ndërpritet dhe menjëherë duhet te lajmërohet ndermarrja e shërbimeve publike.

13.5.Ekzekutuesve të punëve të cilët nuk i përmbahen dispozitave të këtij neni, udhëzimit për respektimin e rendit në varreza, Drejtoria e Inspektionit ju ndalon aktivitetin ndërtimor në varreza.

Neni 14

14.1.Në varreza është e lejuar mbjellja e luleve dekorative të rritjes së ultë të cilat nuk i pengojnë varret e tjera përreth.

14.2. Në varreza është e ndaluar ngritja dhe vendosja e simboleve dhe shenjave të tjera, të cilat nuk janë në lidhje me personat e varrosur në varreza.

14.3. Është e ndaluar vendosja e simboleve, përmendoreve në vendvarrime të cilat me dukjen, shenjat apo mbishkrimet ofendojnë ndenjat patriotike, fetare, nacionale dhe ndenja tjera të qytetarve.

Neni 15

15.1. *Ndermarrja e shërbimeve të varrimit që menaxhon me varrezat e qytetit të Vitisë* është i obliguar që aktivitetet të jenë në pajtueshmëri me *projektin e aprovuar për rregullim të varrezave*.

Varrimi :

Neni 16

16.1. Me varrim nënkuptohet varrosja e të vdekurit, përkatësisht vendosja e eshtrave të kufomës në vendet e caktuara.

16.2. Varrosja bëhet pasi të jetë konstatuar vdekja e përcaktuar me dispozita ligjore.

Neni 17

17.1. Pas konstatimit të vdekjes nga ana e mjekut, familja përkatësisht personi që përkujdesët për varrosje është i obliguar që në afatin prej 3 orësh ta njoftoj ndermarrjen për shërbimet e varrimit për vdekjen e personit me qëllim të organizimit të bartjes dhe varrosjes në varreza të qytetit.

17.2. Organizimin komplet të varrimit që nga bartja e bënë kontraktuesi që menaxhon me varreza.

Neni 18

18.1. Punët e shërbimit të varrimit i kryen ndermarrja e shërbimeve të varrimit të cilës Komuna ja ka besuar këto shërbime.

18.2. Ndermarrja e shërbimeve të varrimit është e obliguar të siguroj personelin për shërbime të varrimit, bartjen e kufomës çdo ditë prej orës 7 deri 20. Bartja duhet bëhet të njëjtën ditë kur nga ana e mjekut është konstatuar vdekja.

Neni 19

19.1. Varrosja e kufomës së të ndjerit (të vdekurit) bëhet në varrezat e vendbanimit të caktuar në të cilin i vdekuri në momentin e vdekjes ka pasur vendbanimin ose vendqëndrimin.

19.2. Komuna e Vitisë do t'i mbulojë shpenzimet e varrimit për të gjithë qytetarët në territorin e Komunës së Vitisë.

Neni 20.

20.1. Kufoma bartët për në varrë me arkivol nga të afërmit dhe farefisi apo nga ndermarrja e
20.2. shërbimeve të varrimit me mjete të caktuara motorike për këtë qëllim.

Gjatë bartjes së kufomës së të ndjerit në varreza ku duhet të varrosët, duhet të plotësohen kushtet sanitare-teknike dhe i ndjeri varrosët sipas riteve dhe dokeve fetare të bashkësive përkatëse fetare.

Neni 21

21.1.Nëse varrimin e organizon Komuna apo Kuvendi Komunal i saj, kufomat e njerëzve meritore para varrimit mundën të vëhen në vendin e caktuar jashtë varrezave, me qëllim të dhënies së nderimeve të fundit.

Neni 22

22.1.Varrosja bëhet në pajtim me dispozitat rregullat fetare duke respektuar dinjitetin e të vdekurit.

22.2.Kufoma mund të rivarrosët vetëm me rekomandim të Ministrisë së Drejtësisë departamenti i mjekisë ligjore.

22.3.Kufoma e të vdekurit nuk mund të **zhvarrosët apo të bartën** nga varrezat ekzistuese para skadimit të afatit të obligueshëm sanitar i cili është spaku 10 vjet.

Neni 23

23.1.Mihja dhe mbushja e varrit, përkatësisht mbyllja e varrit në varrezat e qytetit bëhet nga ndërmarrja e shërbimeve të varrimit.

23.2. Ndërsa në vendbanime tjera –fshatra këto punë u besohen bashkë familjareve të të ndjerit ose personave tjerë.

Neni 24.

24.1.Bashkë me kërkesën për varrim ose bartjen e eshtrave të kufomës paraqitësi i kërkesës është i obliguar të paraqesë dëshmi mbi pëlqimin e bashkë familjareve më të afërt të të ndjerit ose personit të autorizuar për shfrytëzimin e varrit.

24.2.Për bartjen e eshtrave nga një varrë dhe varrosja në varreza tjera për qëllime në interes të Komunës, nevojitet leja nga Kuvendi Komunal dhe Drejtoria për Inspektion, Inspektori sanitar i bazuar në dispozita ligjore që rregullon këtë lëmi.

24.3.Pas mbarimit të ceremonisë së varrimit, përkatësisht varrosjes, personeli që ka kryer punët është i obliguar që vendin e varrit ta rregullojë sipas dispozitave të kësaj rregullore.

Neni 25

25.1.Varrosja e kufomës së të ndjerit bëhet në varrezën e cila është në shfrytëzim të rregullt.

25.2. Përgjithësisht jashtë varrezave të cilat janë në përdorim mund të bëhet varrimi vetëm me lejen e organit kompetent të administratës komunale dhe bashkësisë fetare përkatëse.

Neni 26

26.1.Nëse në varrezat ekzistuese nuk ka vend për varrim për shkak të zgjerimit të vendbanimit për arsye sanitare ose varrezat ekzistuese nuk i përgjigjën kushteve, Komuna- Kuvendi i Komunës bën vendim se varrezat e tilla pushojnë të jenë në funksion të përdorimit.

26.2.Vendimi nga alineja 1 e këtij neni, Kuvendi i Komunës e bën në bazë të të dhënave të komisionit të posaçëm profesional.

Neni 27

27.1.Varrezat të cilat konsiderohen jashtë përdorimit, pas skadimit të afatit për përdorim mund të shndërrohen në park ose brez gjelbërimi me vendim të veçantë të Kuvendit Komunal të Vitisë.

Neni 28

28.1.Varret mund të jenë varre personale dhe varre familjare.

28.2.Në varret për person varrosët vetëm një person, ndërsa në varret familjare varrosën të afërmit e gjakut, me kusht që thellësia e varrit deri në skajin e sipërm të arkivolit të jetë së paku 0,90 m.

Rendi në varreza:

Neni 29

29.1.Në varreza mbahet rendi dhe qetësia.Nndermarrja e shërbimeve të varrimit është e obliguar që të sigurojë qetësinë në varreza.

29.2.Varrezat janë të hapura për vizitorë çdo ditë jave.

29.3Nndermarrja për shërbime të varrimit me pëlqimin të Drejtorisë së Urbanizmit dhe Mbrojtjes së Mjedisit ne raste te jashtëzakonshme dhe të arsyeshme, përkohësisht mund të bëhet ndalesën për vizitorët në varreza.

Neni 30

30.1.Vizitorët, shfrytëzuesit e vendvarrimit janë të obliguar t'i përmbahen urdhëresës, udhëzimeve të cilat i japin personat e autorizuar.

30.2.Vizitorët janë të obliguar të mbajnë qetësi gjatë vizitave në varreza e cila u përgjigjet dinjitetit dhe obligimit ndaj të ndjerëve.

Neni 31

31.1.Në varreza janë të ndaluar këto sjellje, si:

31.2 Hyrja dhe dalja e vizitorëve jashtë kohës kur varrezat janë të hapura për vizitor, hyrja e fëmijëve nën moshën 10. vjeçare pa përcjelljen e personave te rritur.

31.3. Kalimi i rrethojave, shkelja e sipërfaqeve të gjelbëruara, thyerja e drurëve, këputja e luleve dhe bimëve tjera dekorative, shkelja njollojsja dhe dëmtimi i vendeve të varrimit.

31.4.Prishja e qetësisë në varreza.

31.5.Futja dhe kullosja e kafshëve në varreza;

31.6.Montimi i ulëseve, rrethojave nëse nuk janë paraparë në projekt.

MJETET E NEVOJSHME PËR KRYRJEN E SHËRBIMEVE

Neni 32

32.1.Mjetet për ndërtim, rregullim dhe mirëmbajtje të varrezave sigurohen nga **buxheti komunal** si dhe nga burimet tjera (donatorët), në përputhshmëri me dispozitat ligjore.

Të drejtat dhe përgjegjësit e Komunës së Vitisë

Neni 33

33.1. Në raste të jashtëzakonshme kur vjen deri te çrregullimi ose ndalimi i kryerjes së punëve në rregullim dhe në mirëmbajtje të varrezave për shkak të fatkeqësive natyrore ndërmarrja e shërbimeve të varrimit është i obliguar që menjëherë pa hezitim të ndërmarr aktivitete në eliminimin e shkaktarit të çrregullimit dhe atë:

- a). Angazhon persona që të evitohen shkaqet që çrregullojnë mirëmbajtjen dhe varrimin në varreza,
- b). Urgjentisht riparon dhe ndërron instalimet dhe mjetet të cilat janë të domosdoshme për kryerjen e punëve,
- c). Propozon masa për eliminimin e pasojave, vërteton shkaqet si dhe përgjegjësit për kompensimin e dëmeve.
- d). Ndërmerr edhe masa tjera të cilat i përcakton Drejtoria për Shërbime Publike dhe G.E.

Masat ndëshkuese

Neni 34

34.1. Shkelja e dispozitave të kësaj rregullore konsiderohet kundërvajtje, sipas parimit të legalitetit.

34.2. Me dënim në të holla në lartësi prej 300 euro deri në 1.500 euro do të dënohet për kundërvajtje kontraktuesi (kompania) nëse:

- a). Nuk siguron bartjen e kufomës së të ndjerit,
- b). Pa arsye refuzon ta lëshoj vendvarrimin për varrosjen e kufomës së të ndjerit,
- c). Rregullisht nuk mban evidencën e personave të varrosur me shënime të nevojshme,
- d). Nëse nuk rregullon, nuk kryen mirëmbajtjen dhe nuk mbron varrezat në pajtim me dispozita të kësaj rregullore,
- f). Nëse jep pëlqimin për kryerjen e punëve pa lejen paraprake të organit kompetent,

34.3. Ndërsa me dënim në të holla (gjobë) mandatore, aty për aty nga Inspekcioni në lartësi prej 50 Euro deri 100 Euro do të dënohen për kundërvajtje të gjithë ata persona që shkelin këtë rregullore.

34.4. Kontraktuesi (kompania) e cila menaxhon me varreza për kundërvajtje do të gjobitet prej 500 deri 1000 Euro nëse:

- Vepron në kundërshtim me nenin 6, alineja 2 të kësaj rregullore,
- Vepron në kundërshtim me nenin 9, alineja 1 të kësaj rregullore,
- Vepron në kundërshtim me nenin 11 të kësaj rregullore,
- Vepron në kundërshtim me nenin 15 të kësaj rregullore.

Neni 35

35.1.Në shumë prej 1000 deri në 1500 Euro do të ndëshkohet personi juridik për kundërvajtje, nëse ekzistojnë shërbimet zejtare të ndaluara sipas nenit 13 të kësaj rregullore.

35.2.Personi përgjegjës (kontraktuesi) do të gjobitet për kundërvajtje prej 100-300 Euro, nëse vepron në kundërshtim me nenin 13.

35.3.Kontraktuesi do të gjobitet për kundërvajtje prej 300-500 Euro, nëse vepron në kundërshtim me nenin 13, alineja 3 dhe 4.

Neni 36

36.1Personi fizik do të gjobitet prej 100-200 Euro për kundërvajtje nëse vepron në kundërshtim me nenin 13 të kësaj rregullore.

Neni 37

37.1.Personi juridik do të gjobitet në shumë prej 500 Eurosh për kundërvajtje nëse zhvillohen aktivitete në varreza pa pëlqimin e përfituesit që menaxhon me varreza.

37.2.Ndërkaq te personi përgjegjës do të gjobitet me kundërvajtje në shumën 250 Euro.

37.3.Personi fizik do të gjobitet në shumën 100-250 Euro nëse vepron në kundërshtim me nenin 33 të kësaj rregullore.

37.4.Nëse nuk kryen obligimet konform kësaj rregullore, Drejtoria për Inspektion do të ngrit procedurë për kundërvajtje në Gjykata Themelore në Gjilan dega Viti.

Dispozitat kalimtare dhe përfundimtare:

Neni 38

38.1.Për zbatimin e kësaj rregullore përgjegjës janë: Drejtoria për Buxhet Financa dhe Zhvillim Ekonomik, Drejtoria për Shërbime Publike dhe G.E. si dhe Drejtoria për Inspektion dhe kontraktuesi i cili menaxhon në varrezat e qytetit.

Neni 39

39.1.Në rast të zbrastësirave juridike do të vlejnë drejtpërsëdrejti dispozitat pozitive ligjore të kësaj lëmie.

Neni 40

40.1.Me hyrjen fuqi të kësaj rregullore shfuqizohet rregullorja Nr 01-013/859 të datës 17.07.2012 .

Neni 41

Hyrja në fuqi

41.1 Kjo rregullore hynë në fuqi ditën e miratimit nga ana e Kuvendit të Komunës, si dhe nënshkrimin nga ana e Kryesuesit të Kuvendit komunal.

Më dt. 29.12.2014
VITI

Kryesuesi i Kuvendit

